

17. oktober 2013

UKA 2013/9
Doris Jakobsen

**Inatsisartut Ombudsmandiata 2012-imut ukiumoortumik nalunaarutaata Inatsisartu-
nit tusaatissatut tiguneqarnissaanik Inatsisartut aalajangiiffigisassaattut siunner-
suut.**

(Inatsisinut ataatsimiititaliaq)

Ukiut tamaasa nalunaarusiap Ombudsmandimit saqqummiunneqartarnera qujassutigaa-
put, aammattaaq Ombudsmandip suliaminik ingerlatsilluarnera inatsisinullu ataatsimiitita-
liamut malinnaatitsilluarnera Siumut sinnerlugu qujassutigaa-put.

Ombudsmandip suliarisartagai inuttaasut illersorneqarnerat eqqarsaatigalugu pingaaruti-
lersujussuupput, aammattaaq pisortat suliffeqarfiutaanni inatsisit malillugit ingerlatsineq
qulakkeerniarlugu, nukittorsaanissarlu siunertarlugu Ombudsmand suliani ingerlammagit
iluarisimaarlugu oqaatigissuupput.

Nunatsinni innuttaasut inatsisitigut pisinnaatitaaffimminnik periarfissaminnullu qaammar-
saaffigineqartuarnissaat Siumumiittaaq pingaartippa-put.

Ukiut tamaasa Ombudsmand Inatsisartut inatsiseqarnermut ataatsimiititaliaanni naapittar-
parput, nalunaarusiamut tunngasut sammineqartarlutik allallu pitsanngorsaataasinnaasut
eqqartorneqartarlutik, taamatut suleriaaseqarnerup ingerlaannarnissaa assut kaammattuu-
tiginarpoq.

Siumumiit taamatut oqaaseqarluta, Inatsisartut Ombudsmandiata 2012-imut nalunaarutaa
pillugu siunnersuut Siumumiit tusaatissatut tigu-put.